



# **IZVJEŠTAJ O RADU**

**za period 01.01 - 31.12.2007. godine**

**Sarajevo, januar 2008. godina**

# **S A D R Ž A J**

## **I UVOD**

## **II UPOREDNI STATISTIČKI POKAZATELJI PREDUZETIH AKTIVNOSTI**

- **Prijava i odjava boravišta stranih državljana**
- **Podneseni zahtjevi za odobrenje - produženje privremenog boravka**
- **Rješenja o odobrenju - produženju privremenog boravka**
- **Rješenja o odbijanju zahtjeva za odobrenje - produženje privremenog boravka**
- **Zaključak o prekidu - obustavi postupka**
- **Odobrenje stalnog boravka**
- **Podneseni zahtjevi za azil**
- **Ovjera pozivnih pisama**
- **Ovjera garantnih pisama**
- **Kontrola boravka stranih državljana**
- **Kontrola pravnih i fizičkih lica koje pružaju usluge smještaja strancima**
- **Kontrola u preduzećima i institucijama u kojima rade stranci**
- **Otkrivene ilegalne migracije**
- **Preduzete mjere prema strancima**
- **Izdati putni listovi strancima**

## **III IZRADA STIKERA - NALJEPNICA ODOBRENJA BORAVKA**

## **IV OBUKE**

## **V INSPEKCIJSKI POSLOVI**

## **VI INSPEKCIJSKI POSLOVI INSPEKTORATA ZA UNUTRAŠNJU KONTROLU**

## **VII SLUŽBENA SARADNJA**

## **I UVOD**

U ovom izvještajnom periodu poslove iz domena kontrole kretanja i boravka stranaca i azila u skladu sa nadležnostima propisanim Zakonom o kretanju i boravku stranaca i azilu ("Službeni glasnik BiH" br.29/03 i 4/04), Pravilnikom o uslovima i procedurama ulaska i boravka stranaca ("Službeni glasnik BiH" broj:4/05) i Zakonom o Službi za poslove sa strancima ("Službeni glasnik BiH" br.54/05) i drugim izvršavali su uz koordinaciju menadžmenta Službe i Sektora za operativnu podršku i upravno pravne poslove, terenski centri: Sarajevo, Banja Luka, Mostar, Livno, Trebinje, Istočno Sarajevo, Tuzla, Zenica, Goražde, Orašje, Doboj, Brčko, Travnik, Bihać i Bijeljina. Poslove iz nadležnosti terenskog centra Ljubuški obavljao je Terenski centar Mostar.

Poslove provjere zakonitosti rada i postupanja terenskih centara u ostvarivanju povjerenih nadležnosti iz člana 3. Zakona o službi za poslove sa strancima, izvršavao je Inspektorat za unutrašnju kontrolu ove Službe u skladu sa svojim nadležnostima.

Prilikom analize rada dotadašnjih odsjeka za strance MUP-a entiteta i Policije Brčko Distrikta, od strane Sektora za operativnu podršku i upravno-pravne poslove, u izvještajnom periodu za 2006. godinu, kroz izvještaje i pristigle spise sa prijedlozima za odobrenje – produženje privremenog boravka, odobrenje stalnog boravka, rješenja o protjerivanju, ovjere pozivnih i garantnih pisama, bila je primjetna apsolutna nejednakost u rješavanju problematike predviđene Zakonom o kretanju i boravku stranaca i azilu. Analizom stanja bila je evidentna različitost u postupanju prilikom rješavanja statusnih pitanja stranih državljana, neujednačenost prijave boravišta, izvještavanja, zatim nepostojanje operativnog rada na suzbijanju ilegalnih migracija, neutvrđivanje činjeničnog stanja, neusaglašenost drugih zakonskih propisa sa ovim zakonom, propusti u izdavanju uvjerenja o činjenicama iz službene evidencije, nedovoljna službena saradnja neophodna za utvrđivanje činjenica itd.


Menadžment službe je analizirajući zatečeno stanje preduzeo niz aktivnosti u cilju otklanjanja negativnosti u radu i efikasnijeg rješavanja ove problematike, te donio određen broj instruktivnih akata radi istovjetnog postupanja svih terenskih centara u rješavanju problematike predviđene Zakonom o kretanju i boravku stranaca i azilu.

## **II UPOREDNI STATISTIČKI POKAZATELJI PREDUZETIH AKTIVNOSTI**

Kao rezultat preduzetih planskih aktivnosti od strane Službe i njenih terenskih centara postignuti su određeni pokazatelji, koji se mogu komparativno uporediti sa aktivnostima tokom 2006., godine u pristupu rješavanja problematike kretanja i boravka stranaca.

## Prijava i odjava boravišta stranih državljana


Na području koje pokrivaju terenski centri Službe za poslove sa strancima u **2007.** godini ukupno je izvršeno **299448** prijava – odjava boravka stranih državljana, što je povećanje od **24 %** u odnosu na **2006.** godinu kada je prijava - odjava boravišta izvršena u **240440** slučajeva. Najveći broj prijave boravka zabilježen je kod pravnih i fizičkih lica koja su registrovana za pružanje usluga smještaja i odnose se na kratke boravke do 90 dana.



**Kao rezultat povećanja broja prijave boravišta od 24 % je iz razloga kontinuirane kontrole od strane inspektora za strance u vezi utvrđivanja činjenica postojanja onog broja pravnih i fizičkih lica koja u skladu sa Zakonom nisu vršila vođenje evidencija i prijave boravišta, a pružali su usluge smještaja strancima.**


## Podneseni zahtjevi za odobrenje - produženje privremenog boravka

U **2007.** godini ukupno je podneseno **2980** zahtjeva za odobrenje privremenog boravka i **3226** zahtjeva za produženje privremenog boravka, što ukupno iznosi **6206** zahtjeva, te je povećanje od **14,6 %** u odnosu na **2006.** godinu kada je ukupno podneseno **5412** zahtjeva i to: **2522** zahtjeva za odobrenje privremenog boravka i **2890** zahtjeva za produženje privremenog boravka. Od ukupnog broja podnešenih zahtjeva najveći broj se odnosi na zahtjeve po osnovu braka sa državljanima BiH, po osnovu izdate radne dozvole, spajanja porodice i obrazovanja.




## Rješenja o odobrenju - produženju privremenog boravka

Rješavajući po zahtjevima za odobrenje - produženje privremenog boravka u **2007.** godini ukupno je odobreno-produženo **5053** privremenih boravaka, od toga je odobren je u **2238** slučaja i produžen u **2815** slučajeva, a što je manje u odnosu na **2006.** godinu kada je ukupno odobreno-produženo **5120** privremenih boravaka, od toga je odobren u **2387** i produžen u **2733** slučajeva.




## Rješenja o odbijanju zahtjeva za odobrenje - produženje privremenog boravka

Nakon razmatranja zahtjeva za odobrenje - produženje privremenog boravka utvrđeno je da ukupno **112** stranih državljana nije ispunjavao uslove za odobrenje i **69** stranih državljana za produženje privremenog boravka o čemu je donešeno **181** rješenje o odbijanju zahtjeva za odobrenje - produženje privremenog boravka, dok je u **2006.** godini donešeno **229** rješenja, **158** za odobrenje i **71** za produženje privremenog boravka.




## Zaključak o prekidu - obustavi postupka

U postupku razmatranja osnovanosti podnešenih zahtjeva za odobrenje privremenog boravka tokom **2007.** godine donešeno je ukupno **249** zaključaka u postupku odobrenja i to: **147** zaključaka o prekidu postupka i **102** zaključka o obustavi postupka. U postupku razmatranja osnovanosti podnešenih zahtjeva za produženje privremenog boravka donešena su ukupno **264** zaključka, od toga **205** o prekidu postupka i **59** o obustavi postupka, dok su tokom **2006.** godine donešena ukupno **232** zaključka u postupku odobrenja i to: **189** zaključaka o prekidu postupka i **43** zaključka o obustavi postupka, a u postupku produženja privremenog boravka donešena su ukupno **294** zaključka, od toga **280** o prekidu postupka i **14** o obustavi postupka.



## Odobrenje stalnog boravka


U izvještajnom periodu broj podnesenih zahtjeva za odobrenje stalnog boravka iznosio je **163**, od toga je u **136** slučajeva isti odobren, dok je u **6** slučajeva odbijen zahtjev za odobrenje stalnog boravka, dok je u **2006.** godini broj podnesenih zahtjeva za odobrenje stalnog boravka iznosio **164**, od čega je u **153** slučaja isti odobren, te u **3** slučaja zahtjev odbijen.



## Podneseni zahtjevi za azil


U **2007.** godini zaprimljeno je **145** zahtjeva za azil od stranih državljana koji su obradjeni i prosljedjeni Ministarstvu bezbjednosti BiH – Sektoru za azil na dalje rješavanje, što je za **480 %** više u donosu na **2006.** godinu tokom koje je zaprimljeno **25** zahtjeva.

Rezultat povećanja broja podnesenih zahtjeva za azil u **2007.** godini je ukidanje statusa privremenog prihvata licima iz Srbije i Crne Gore sa posljednjim prebivališten na Kosovu, koji su većinom korisnici smještaja u prihvatnim centrima „Rakovica“ - Sarajevo i „Salakovac“ - Mostar, kojom prilikom su isti podnijeli zahtjeve za azil.




## Ovjera pozivnih pisama

Broj podnesenih zahtjeva za ovjeru pozivnih pisama u **2007.** godini iznosi **2453**, kojom prilikom je ovjereno **2355** pisama a **52** su odbijena, što je manje za **34 %** u odnosu na **2006.** godinu gdje je broj podnešenih zahtjeva iznosio **3295**, od čega su **2** zahtijeva odbijena.



## Ovjera garantnih pisama


Broj podnesenih zahtjeva za ovjeru garantnih pisama u **2007.** godini iznosi **1250**, od čega je ovjereno **1180** zahtjeva, dok je **19** zahtjeva za ovjeru bilo odbijeno, što je manje za **36 %** u odnosu na **2006.** godinu gdje je broj podnesenih zahtjeva za ovjeru garantnog pisma iznosio **1703**, od čega je ovjereno **1716** zahtjeva, a broj odbijenih zahtjeva iznosio je **4**.



**Rezultat ovih pokazatelja smanjenog broja podnesenih zahtjeva za ovjeru pozivnih i garantnih pisama je dosljedno primjenjivanje zakonskih propisa, i instruktivnih akata u vezi ispunjavanja uslova za ovjeru istih, gdje je prije samog podnošenja zahtjeva utvrđeno da stranke ne ispunjavaju uslove za ovjeru. Manji broj ovjerenih pozivnih i garantnih pisama je rezultat utvrđenih svih činjenica nakon podnošenja zahtjeva za ovjeru.**

## Kontrola boravka stranih državljana


Inspektori za strance naše Službe vršili su kontrolu boravka stranaca (ugostiteljsko-turistički objekti, noćni barovi, preduzeća, kontrola adresa stanovanja), gdje je u **2007.** godini izvršeno ukupno **4856** kontrola, što u odnosu na **2006.** godinu iznosi povećanje za **147 %** jer je kontrola izvršena u **1963** slučaja.






## Kontrola pravnih i fizičkih lica koje pružaju usluge smještaja strancima

Isto tako vršeci kontrole prema pravnim i fizičkim licima koje pružaju usluge smještaja strancima u **2007.** godini su utvrđene određene nepravilnosti i u **124** slučaja su preduzete zakonom propisane mjere prema pravnim i fizičkim licima, i to prema pravnim licima **25** te prema fizičkim licima **99**, što je povećanje od **490 %** u odnosu na **2006.** godinu kada su u **21** slučaju preduzete zakonom propisane mjere prema pravnim i fizičkim licima, i to **7** prema pravnim licima te **14** prema fizičkim licima.



## Kontrola u preduzećima i institucijama u kojima rade stranci


Inspektori za strance naše Službe vršeci kontrolu preduzeća i institucija u kojima rade stranci tokom **2007.** godine istu su izvršili u **1415** slučajeva, kojom prilikom su kontrolisali **2851** lica, utvrdili određene nepravilnosti u **233** slučajeva i u skladu s tim u **266** slučajeva preduzeli su zakonom predviđene mjere, što iznosi povećanje od **191 %** u odnosu na **2006.** godinu gdje je kontrola u preduzećima i institucijama u kojima rade stranci izvršena u **485** slučajeva, kojom prilikom je kontrolisano **1013** lica, utvrene određene nepravilnosti u **42** slučaja i u skladu s tim u **20** slučajeva preduzete zakonom predviđene mjere.



**Povećanje kontrola stranih državljana je rezultat kontinuiranih kontrola od strane inspektora za strance na terenu, radi dosljednog provođenja zakonskih propisa iz nadležnosti Službe, propisanih instruktivnih akata u cilju utvrđivanja svih potrebnih činjenica prije rješavanja statusnih pitanja stranaca u BiH.**


## **Otkrivene ilegalne migracije**

Kao rezultat uvođenja kontinuiranog pojačanog operativnog rada na terenu, inspektori za strance naše Službe su prikupljanjem operativnih saznanja u cilju otkrivanja i sprječavanja ilegalnih migracija na teritoriji Bosne i Hercegovine, tokom **2007.** godine u **539** slučajeva otkrili pojave ilegalne migracije, što iznosi povećanje od **62 %** u odnosu na **2006.** godinu tokom koje je otkrivena u **331** slučaju.



## **Preduzete mjere prema strancima**

Vršeci sve neophodne operativne mjere i radnje kontrole boravka stranaca tokom **2007.** godine utvrđene su određene nepravilnosti i u vezi s tim je skladu sa Zakonom izvršeno preduzimanje određenih mjera prema strancima u **1347** slučajeva i to: donešena su **822** rješenja o protjerivanju stranca iz BiH, donešeno je **229** rješenja o otkazu privremenog boravka, **20** rješenja o otkazu stalnog boravka, **75** stranaca je prisilno udaljeno, podnešeno **197** zahtjeva za pokretanje prekršajnog postupka, te izdato **217** prekršajnih naloga, što iznosi povećanje od **59,9 %** u odnosu na **2006.** godinu gdje su u **842** slučaja preduzete mjere prema strancima i to: donešeno je **565** rješenja o protjerivanju stranca iz BiH, donešeno je **65** rješenja o otkazu privremenog boravka, **18** rješenja o otkazu stalnog boravka, **31** stranac je prisilno udaljen, te je podnešeno **157** zahtjeva za pokretanje prekršajnog postupka.



Najveći broj izrečenih mjera protjerivanja donešen je nakon sprovedenih akcija kontrole kretanja i boravka stranaca i odnosio se na državljane **Srbije i Crne Gore, Albanije, Turske te Makedonije** kojima su mjere izrečene iz razloga što su prekršili propise o prelasku državne granice, zatim prikrivanjem činjenica o stvarnim namjerama boravka u BiH, te državljanima **Kine i Palestine** iz razloga što su u BiH ostali nakon isteka roka važenja vize, ili odobrenja boravka.


Isto tako u ovom izvještajnom periodu izrečena je mjera protjerivanja jednom državljaninu Alžira iz razloga što je rješenje o oduzimanju državljanstva BiH doneseno od strane Državne komisije za reviziju odluka o naturalizaciji stranih državljana u BiH postalo pravosnažno, a isti nije ostvario pravo na boravak u skladu sa Zakonom, nakon čega je teritoriju Bosne i Hercegovine dobrovoljno napustio.

**Pregled izrečenih mjera protjerivanja po državama u skladu sa razlozima iz člana 57 stav 1 Zakona o boravku i kretanju stranaca i azilu**

<b>Razlozi</b>										
<b>Država</b>	Tačka a	Tačka b	Tačka c	Tačka d	Tačka e	Tačka f	Tačka g	Tačka h	Tačka i	<b>UKUPNO</b>
Afganistan	1				2					<b>3</b>
Albanija	1				162					<b>163</b>
Argentina	1									<b>1</b>
Brazil	2				1					<b>3</b>
Bugarska	1				2					<b>3</b>
Egipat	1				4					<b>5</b>
Eritreja	1									<b>1</b>
Gambija	1									<b>1</b>
Jordan	6									<b>6</b>
Kamerun	2									<b>2</b>
Kina	53				8	1				<b>62</b>
Libanon	1									<b>1</b>
Makedonija	2				25				1	<b>28</b>
Moldavija	2		1		4					<b>7</b>
Rumunija	1				2		1			<b>4</b>
Sirija	2									<b>2</b>
Srbija i Crna Gora	106	4			269	2	4	21	21	<b>427</b>
Šri Lanka	9									<b>9</b>
Turska	6				24		1		1	<b>32</b>
Hrvatska					13				4	<b>17</b>
Italija					2					<b>2</b>
Jemen					2					<b>2</b>
Alžir				1	1					<b>2</b>
Ukrajina	1				1					<b>2</b>
Austrija	1									<b>1</b>
Slovenija	1									<b>1</b>
Belgija					1				1	<b>2</b>
Iran					1					<b>1</b>
Njemačka									1	<b>1</b>
Holandija									1	<b>1</b>
Australija									1	<b>1</b>
Švicarska									1	<b>1</b>
Indija					2					<b>2</b>
Francuska					1					<b>1</b>
Južno Afrička Republika					2					<b>2</b>
Palestina	22									<b>22</b>
Tadžikistan	1									<b>1</b>
<b>UKUPNO</b>	<b>225</b>	<b>4</b>	<b>1</b>	<b>1</b>	<b>529</b>	<b>3</b>	<b>6</b>	<b>21</b>	<b>32</b>	<b>822</b>

## Izdati putni listovi strancima

U skladu sa Pravilnikom o putnom listu za strance tokom **2007.** godine izvršeno je izdavanje putnog lista za strance u **92** slučaja, kada su ispunjeni uslovi propisani navedenim Pravilnikom, dok je tokom **2006.** godine izdato **15** putnih listova.



## III IZRADA STIKERA - NALJEPNICA ODOBRENJA BORAVKA

Dana 10.11.2007. godine Komisija za preuzimanje stikera – naljepnica odobrenja boravka je od Ministarstva bezbjednosti – Sektor za imigraciju, preuzela jedan dio stikera radi dalje obrade i štampanja.

U periodu od 10.11.2007. do 31.12.2007. godine izvršen je unos podataka u elektronske evidencije baze stikera, na osnovu kojih je izrađeno **1000** stikera - naljepnica odobrenja boravka, koji su dalje distribuirani na teren radi uručenja strankama.

## IV OBUKE

Radi adekvatne primjene zakonskih odredaba iz oblasti rada Službe kao i kretanja i boravka stranaca i azila, Služba je u saradnji sa IOM-om, ICITAP-om, FMUP-om organizovala obuku inspektora za strance radi sticanja potrebnih znanja i vještina prilikom primjene ovlaštenja koja su im potrebna u svakodnevnom radu.

Obuka je izvedena u prostorijama Policijske akademije na Vracama u dva termina i to od 13.08. – 27.09.2007. godine, te 22.10. - 06.12.2007. godine, i istu je uspješno završilo ukupno 48 inspektora za strance kojima su po završenoj obuci dodijeljeni certifikati.

Također, radi adekvatne primjene zakonskih odredaba iz oblasti rada Službe kao i kretanja i boravka stranaca i azila, Služba je u saradnji sa IOM-om, organizovala obuku službenika obezbjeđenja Imigracionog centra, koju je uspješno završilo njih 37.

## V INSPEKCIJSKI POSLOVI

U cilju suzbijanja ilegalnih migracija u Bosni i Hercegovini inspektori za strance naše Službe su prikupljali korisne operative podatke o ovim pojavama, na osnovu kojih su vršene odgovarajuće aktivnosti planiranja i sprovođenja kontrole kretanja i boravka stranih državljana na područjima koje pokrivaju naši terenski centri. Nakon prikupljenih korisnih operativnih saznanja najveći broj akcija kontrole izvršen je u koordiniranoj akciji naših terenskih centara i saradnje sa entitetskim MUP-a.

U ovom izvještajnom periodu izvršene su akcije kontrole kretanja i boravka stranaca kako slijedi:

- Akcija kontrole boravka i kretanja stranih državljana na tržnici „**Arizona**“, izvedena dana **18.05.2007.** godine, uz asistenciju policije, kojom prilikom su kontrolisana **94** objekta, te **124** stranca, utvrđene određene nepravilnosti te u skladu sa Zakonskim odredbama preduzete mjere,
- Akcija kontrole boravka i kretanja stranih državljana na lokalitetu „**Nova Pijaca**“, **Gradačac**, izvedena dana **02.08.2007.** godine, uz asistenciju policije, kojom prilikom je kontrolisano **146** objekta, te **62** stranca, utvrđene određene nepravilnosti te u skladu sa Zakonskim odredbama preduzete mjere,
- Akcija kontrole boravka i kretanja stranih državljana na **lokalitetu Sarajeva**, područje opštine **Novi Grad**, izvedena dana **04.08.2007.** godine, uz asistenciju policije, kojom prilikom je kontrolisan **51** objekat, te **109** stranaca, utvrđene određene nepravilnosti te u skladu sa Zakonskim odredbama preduzete mjere,
- Akcija kontrole boravka i kretanja stranih državljana na **lokalitetu Sarajeva**, područje opštine **Stari Grad, Centar, Novo Sarajevo, Novi Grad i Ilidža**, te na području **Banja Luke, Mostara, Zenice, Tuzle, Bihaća, Bijeljine i Istočnog Sarajeva**, izvedena dana **23.08.2007.** godine, uz asistenciju policije, kojom prilikom je kontrolisano **115** objekata, te **115** stranaca, utvrđene određene nepravilnosti te u skladu sa Zakonskim odredbama preduzete mjere,
- Akcija kontrole boravka i kretanja stranih državljana na **lokalitetu Sarajeva**, područje opština **Centar, Novo Sarajevo i Novi Grad**, izvedena dana **02.09.2007.** godine, uz asistenciju policije, kojom prilikom je kontrolisano **18** objekata, te **50** stranaca, utvrđene određene nepravilnosti te u skladu sa Zakonskim odredbama preduzete mjere,

- Akcija kontrole boravka i kretanja stranih državljana na **lokalitetu Sarajeva**, područje opština **Stari Grad, Centar, Novo Sarajevo, Novi Grad i Ilidža**, kao i na području **Istočnog Sarajeva**, izvedena dana **23.11.2007.** godine, uz asistenciju policije, kojom prilikom je kontrolisano **36** objekata, te **40** stranaca, utvrđene određene nepravilnosti te u skladu sa Zakonskim odredbama preduzete mjere,
- Akcija kontrole boravka i kretanja stranih državljana na **lokalitetu Sarajeva**, područje opština **Stari Grad, Centar, Novo Sarajevo, Novi Grad, Ilidža, Vogošća i Ilijaš**, kao i na području **Istočnog Sarajeva**, opštine **Istočna Ilidža i Istočno Novo Sarajevo**, izvedena dana **04.12.2007.** godine, uz asistenciju policije, kojom prilikom je kontrolisano **50** objekata koji pružaju usluge smještaja stranim državljanima, utvrđene određene nepravilnosti te u skladu sa Zakonskim odredbama preduzete mjere,
- Akcija kontrole boravka i kretanja stranih državljana na **lokalitetu Banja Luke**, te područja opština **Laktaši, Srbac, Prnjavor, Prijedor, Gradiška, Novi Grad, Kostajnica i Kozarska Dubica**, izvedena dana **28.12.2007.** godine uz asistenciju policije, kojom prilikom je kontrolisano **49** objekata koji pružaju usluge smještaja stranim državljanima, **10** pekara, te **4** kineske radnje, utvrđene određene nepravilnosti te u skladu sa Zakonskim odredbama preduzete mjere.

## **VI INSPEKCIJSKI POSLOVI INSPEKTORATA ZA UNUTRAŠNJU KONTROLU**

Inspektorat za unutrašnju kontrolu je postupao u skladu sa Planom rada inspektorata, Uputstvom o radu inspektorata i postojećim zakonskim okvirom kojim se reguliše rad Službe za poslove sa strancima.

Inspektorat je u svom radu ostvario neposrednu saradnju sa pomoćnikom direktora za unutrašnju kontrolu, a njegovim posredstvom i sa direktorom i zamjenikom direktora.

Pored toga, prioritetna aktivnost Inspektorata odnosila se na provođenje redovnih inspekcijskih pregleda u svim terenskim centrima Službe, iz razloga što se najveći dio osnovne djelatnosti Službe realizuje upravo u terenskim centrima.

Redovnim inspekcijskim pregledima obuhvaćena je provjera zakonitosti rada i postupanja terenskih centara u ostvarivanju povjerenih nadležnosti iz člana 3. Zakona o službi za poslove sa strancima.

Ostvaren je uvid u praksu primjene Zakona o kretanju i boravku stranaca i azilu, Pravilnika o uslovima i procedurama ulaska i boravka stranaca, te obaveznih uputstava koja se odnose na primjenu pojedinih odredbi zakona, najčešće u vezi sa postupkom odobrenja i produženja privremenih boravaka, odobrenja stalnih boravaka, ovjere garantnih pisama/poziva itd.

Pored navedenog, tokom pregleda je ostvaren uvid i u uslove rada terenskih centara, njihovu opremljenost materijalno-tehničkim sredstvima, kadrovsku popunjenost, te uvid u način obavljanja pomoćne djelatnosti, što se odnosi na kancelarijsko i arhivsko poslovanje. Na osnovu provedenih pregleda, predloženi su određeni zaključci u cilju poboljšanja efikasnosti rada u svim segmentima iz domena Službe.


Postupajući u okviru Plana rada te operativnih planova i odluka menadžmenta Službe, pripadnici Inspektorata kroz rad u radnim grupama učestvovali u izradi slijedećih podzakonskih akata :

1. Uputstvo o radu inspektorata sa pratećom metodologijom rada;
2. Pravilnik o kancelarijskom i arhivskom poslovanju;
3. Pravilnik o upotrebi i čuvanju pečata;
4. Lista registratorske građe sa rokovima čuvanja;
5. Uputstvo o primjeni opštih akata o kancelarijskom i arhivskom poslovanju;
6. Pravilnik o kućnom redu u Imigracionom centru;
7. Pravilnik o načinu vršenja službe obezbjeđenja, naoružanju i opremi, upotrebi vatrenog oružja i drugih sredstava prinude u Imigracionom centru i Službi za poslove sa strancima;
8. Pravilnik o postupanju u vanrednim prilikama u Imigracionom centru;
9. Pravila o postupku udaljenja stranaca iz BiH.

## **VII SLUŽBENA SARADNJA**

Uspostavljanjem Službe za poslove sa strancima, bila je evidentna dotadašnja nedovoljna službena saradnja između odsjeka za strance i institucija na području BiH iz segmenta kretanja i boravka stranaca i razmjene informacija koje su se mogle koristiti za preduzimanje mjera i aktivnosti iz nadležnosti bilo koje bezbjednosne agencije na području BiH. Analizirajući dotadašnje stanje načinjeni su bitni pomaci u oblasti nadogradnje službene saradnje sa svim agencijama za sprovođenje zakona, tužilaštvom, međunarodnim i NVO organizacijama. Posebno treba napomenuti dobru i profesionalnu saradnju sa MUP-a entiteta i policije Brčko Distrikta, OSA-e, Granične policije, SIPA-e, NCB Interpol Sarajevo, Državne komisije za reviziju odluka o naturalizaciji stranih državljana u BiH, Sektora za azil i Sektora za imigraciju, ICITAP, IOM, Evropska komisija, NVO "Vaša prava".





Inspektori za strance naše Službe u svom svakodnevnom radu su dolazili do veoma korisnih operativnih saznanja iz nadležnosti OSA-e, SIPA-e, Granične policije i entitetskih MUP-a, koje su im pravovremeno dostavljane u nadležnost i postupanje, i odnosile su se na preko 60 korisnih informacija. Isto tako veoma efikasna službena saradnja je iskazana prilikom sprovedenih planskih akcija kontrola kretanja i boravka stranaca, prilikom udaljavanja lica sa teritorije BiH, te saradnje sa službenicima SIPA-e i OSA-e prilikom razotkrivanja i spriječavanja krivičnih djela iz oblasti trgovine ljudima i krijumčarenje osoba.

U prethodnom izvještajnom periodu tražene su sve neophodne informacije od strane OSA-e i SIPA-e, prilikom rješavanja po zahtjevu stranaka za odobrenje boravka u BiH, ovjere pozivnih i garantnih pisama, za lica koja dolaze iz zemalja sa visokim stepenom ilegalnih migracija, kao i za lica kojima je od strane Državne komisije za reviziju odluka o naturalizaciji stranih državljana u BiH oduzeto državljanstvo BiH, zbog saznanja da li su prijetnja javnom redu i nacionalnoj sigurnosti.

Sve informacije do kojih je došla Služba a tiču se ilegalnih migracija dostavljene su i bezbjedonosnim agencijama na području Bosne i Hercegovine na znanje i dalje postupanje zbog efikasnijeg rješavanja ove problematike.

U cilju suzbijanja pojava ilegalnih migracija naša Služba vrši po potrebi kordinaciju aktivnosti sa Ministarstvom inostranih poslova, Graničnom policijom, Državnom agencijom za istrage i zaštitu, Obavještajno sigurnosnom agencijom, sa entitetskim MUP-a i policijom Brčko distrikta.

I u narednom periodu inspektori za strance naše Službe preduzimaće sve neophodne operativne mjere i radnje u cilju otkrivanja i spriječavanja pojava ilegalnih migracija, sprovodeći kontinuirane aktivnosti kontrole kretanja i boravka stranaca.

Tabelarni pregled preduzetih aktivnosti izvršenih radnih zadataka sastavni su dio ovog izvještaja.

**D I R E K T O R**

**Dragan Mektić**